

Қазақстан Республикасының 2010 жылдан 2020 жылға дейінгі кезеңге арналған құқықтық саясат тұжырымдамасын іске асыру жөніндегі 2019 жылға арналған іс-шаралар жоспарын бекіту туралы

Қазақстан Республикасы Үкіметінің 2019 жылғы 28 наурыздағы № 148 қаулысы.

"Қазақстан Республикасының 2010 жылдан 2020 жылға дейінгі кезеңге арналған құқықтық саясат тұжырымдамасы туралы" Қазақстан Республикасы Президентінің 2009 жылғы 24 тамыздағы № 858 Жарлығына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасының 2010 жылдан 2020 жылға дейінгі кезеңге арналған құқықтық саясат тұжырымдамасын іске асыру жөніндегі 2019 жылға арналған іс-шаралар жоспары (бұдан әрі – Іс-шаралар жоспары) бекітілсін.

2. Орталық және жергілікті атқарушы органдардың, Қазақстан Республикасының Президентіне тікелей бағынатын және есеп беретін мемлекеттік органдардың (келісу бойынша) бірінші басшылары:

1) Іс-шаралар жоспарын орындау жөнінде шаралар қабылдасын;

2) 2019 жылғы 1 шілдеден және 20 желтоқсанның кешіктірмей Қазақстан Республикасының Әділет министрлігіне Іс-шаралар жоспарының орындалу барысы туралы ақпарат берсін.

3. Қазақстан Республикасының Әділет министрлігі 2019 жылғы 10 шілдеден және 31 желтоқсанның кешіктірмей Қазақстан Республикасы Премьер-Министрінің Кеңесіне Іс-шаралар жоспарының орындалу барысы туралы жиынтық ақпарат берсін.

4. Қазақстан Республикасы Премьер-Министрінің Кеңесі 2019 жылғы 20 шілдеден және 2020 жылғы 10 қаңтардан кешіктірмей Қазақстан Республикасы Президентінің Әкімшілігіне Іс-шаралар жоспарының орындалу барысы туралы жиынтық ақпарат берсін.

5. Осы қаулының орындалуын бақылау Қазақстан Республикасының Әділет министрлігіне жүктелсін.

6. Осы қаулы қол қойылған күнінен бастап қолданысқа енгізіледі.

Қазақстан Республикасының
Премьер-Министрі

А. Мамин

Қазақстан Республикасы
Үкіметінің
2019 жылғы 28 наурыздағы
№ 148 қаулысымен
бекітілген

Қазақстан Республикасының 2010 жылдан 2020 жылға дейінгі кезеңге арналған құқықтық саясат тұжырымдамасын іске асыру жөніндегі 2019 жылға арналған іс-шаралар жоспары

Р/с №	Іс-шаралар	Аяқтау нысаны	Орындауға жауаптылар	Орындау мерзімі
1	2	3	4	5
1	Айыпталушылар мен күдіктілерге ғана емес, сонымен бірге жәбірленушілерге, куәлерге де қылмыстық істер бойынша білікті заң көмегін ұсыну тетігін одан әрі жетілдіру жөніндегі мәселені пысықтау	Қазақстан Республикасы Президентінің Әкімшілігіне ақпарат	Әділетмині, БП (келісім бойынша), ЖС (келісім бойынша), ІІМ, мүдделі мемлекеттік органдар, Республикалық адвокаттар алқасы (келісу бойынша)	1-тоқсан
2	"Қазақстан Республикасының кейбір заңнамалық актілеріне еңбек мәселелері бойынша өзгерістер мен толықтырулар енгізу туралы" Қазақстан Республикасы Заңының жобасын әзірлеу және Қазақстан Республикасы Парламентінің қарауына енгізу	Заң жобасы	Еңбекмині, мүдделі мемлекеттік органдар	2-тоқсан
3	Адам құқықтары жөніндегі уәкіл институты қызметінің тиімділігін арттыру мәселелерін пысықтау	Қазақстан Республикасы Президентінің Әкімшілігіне ақпарат	АҚҰО (келісу бойынша), Әділетмині, мүдделі мемлекеттік органдар	3-тоқсан
4	Виртуалды соттар құру жөніндегі мәселені пысықтау	Қазақстан Республикасы Президентінің Әкімшілігіне ақпарат	ЖС (келісу бойынша), мүдделі мемлекеттік органдар	3-тоқсан
5	Судья кадрларын іріктеу және жылжыту жүйесін одан әрі жетілдіру мәселелері бойынша ұсыныстар әзірлеу	Қазақстан Республикасы Президентінің Әкімшілігіне ақпарат	ЖСКҚ (келісу бойынша)	3 - тоқсан
6	Қазақстан Республикасының 2010 жылдан 2020 жылға дейінгі кезеңге арналған Құқықтық саясат тұжырымдамасын соның ішінде ұлттық құқық, құқық қорғау және сот жүйесінің, құқық қорғау институттарын және т.б. дамытудың негізгі бағыттарын іске асырудың 10 жылдық кезеңін қорытындылау	Қазақстан Республикасы Президентінің Әкімшілігіне ақпарат	Әділетмині, мүдделі мемлекеттік органдар	4-тоқсан
7	Қабылданатын заң жобаларының барынша ашықтығын және кең талқылауды, сондай-ақ	Қазақстан Республикасы		

	жоспарланған заңнамалық бастамалар туралы хабардар етуді қамтамасыз ету	Президентінің Әкімшілігіне ақпарат	Әділетмині, орталық және жергілікті мемлекеттік органдар	ж ы л бойы
8	Азаматтардың құқықтық сауаттандыру және құқықтық мәдениетін арттыру бойынша іс-шараларды тұрақты негізде жүргізу	Қазақстан Республикасы Президентінің Әкімшілігіне ақпарат	Әділетмині, орталық және жергілікті мемлекеттік органдар	ж ы л бойы

Ескерту: аббревиатуралардың толық жазылуы:

АҚҰО – Қазақстан Республикасының Адам құқықтары жөніндегі ұлттық орталығы

Әділетмині – Қазақстан Республикасының Әділет министрлігі

Еңбекмині – Қазақстан Республикасының Еңбек және халықты әлеуметтік қорғау министрлігі

БП – Қазақстан Республикасының Бас прокуратурасы

ЖС – Қазақстан Республикасының Жоғарғы Соты

ЖСКҚ – Қазақстан Республикасының Жоғары Сот Кеңесі

ІМ – Қазақстан Республикасының Ішкі істер министрлігі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК